

Broj: 05-39-3974-2/19
Mostar, 29. 10. 2019. godine

**BOSNA I HERCEGOVINA
FEDERACIJA BOSNE I HERCEGOVINE
DOM NARODA PARLAMENTA
FEDERACIJE BOSNE I HERCEGOVINE**

mr. sci. Izmir Hadžiavić, sekretar

Sarajevo

Primito: 31-10-2019			
Opis	Broj	Priloga	Vrijednost
05/2	- 02 -	183	/19

PREDMET: Odgovor na delegatska pitanja delegata Damira Marjanovića sa 3. sjednice Doma naroda Parlamenta Federacije Bosne i Hercegovine održane 04. 10. 2019. godine
Veza: Vaš akt broj 05/2-02-183/19 od 09. 10. 2019. godine

Gospodin Damir Marjanović, delegat u Domu naroda Parlamenta Federacije Bosne i Hercegovine je na 3. sjednici Doma naroda Parlamenta Federacije Bosne i Hercegovine održanoj 04. 10. 2019. godine postavio delegatska pitanja koja, prema stenogramu sa navedene sjednice, glase:

“ 1. ... stoga postavljam pitanje Federalnom ministarstvu obrazovanja i nauke da li postoji neka jasna detaljna analiza na koji su način ova izdvajanja i ovaj model izdvajanja utjecali na razvoj znanosti i istraživanja u BiH i na koji su način projekti koji su dobili potporu dali neki pozitivan zamah recimo znanstvenim publikacijama ili u krajnjem slučaju privredi u FBiH... ”

2. Drugo pitanje je još konkretnije vezano za konkurse koje objavljuje Federalno ministarstvo obrazovanja i znanosti koliko mogu da primjetim veliki dio akademske zajednice veliki dio znanstvenika i veliki dio studenata koji pohađaju akreditirane univerzitete a koji ne spadaju u grupu javnih univerziteta su na neki način onemogućeni da apliciraju na te projekte pa me zanima na osnovu kojeg akta, na osnovu kojeg Zakona, na osnovu koje odluke ako postoji odluka na osnovu čega je ona donešena se tim ljudima ne dozvoljava da apliciraju na te projekte, znači, govorimo o ljudima koji dolaze sa akreditiranih univerziteta koji ne spadaju u skupinu javnih univerziteta. ”

U vezi sa navedenim pitanjima, Federalno ministarstvo obrazovanja i nauke daje slijedeće odgovore:

1. Federalno ministarstvo obrazovanja i nauke vodi i redovno ažurira evidencije o rezultatima projekata podržanih po konkursima za sufinansiranje/finansiranje naučno-istraživačkih i istraživačko-razvojnih projekata u Federaciji BiH. Izvještaje

o postignutim naučnim rezultatima razmatra i usvaja Savjet za nauku FMON, koji se nakon provedenog postupka kandidature imenuje na prijedlog nadležnih tijela javnih visokoškolskih ustanova u Federaciji BiH. Kriterijima konkursa je propisano da će se projekat „...smatrati uspješno završenim ako naučno-istraživački ili istraživačko-razvojni tim u roku od 1 godine dana od dana završetka projekta objavi rezultate projekta (bar jedan rad iz uže oblasti u koju spada projekat) u nekom od referentnih časopisa i/ili „proceedings-a“ obuhvaćenih sa „Web of Science“ (baze CC, SCI EXPANDED i sl.) i drugim relevantnim međunarodnim bazama podataka za odgovarajuću naučnu oblast, odnosno ako neko od članova tima na osnovu rezultata projekta odbrani magistarski rad (po predbolonjskom sistemu) ili doktorsku disertaciju. Pod „objavljenim radom“ smatrat će se i dokaz da je rad prihvaćen i da je u toku postupak njegovog objavljivanja.“. U nastavku slijedi pregled postignutih naučnih rezultata projekata podržanih po konkursima raspisanim u periodu 2012.-2016. godina:

Konkurs za finansiranje/sufinansiranje naučno-istraživačkih i istraživačko-razvojnih projekata u Federaciji BiH period 2012.-2016. godine

GODINA	BROJ ODOBRENIH PROJEKATA	NAUČNI REZULTAT (PREMA KRITERIJIMA)			
		Objavljen rad u referentnom časopisu	Odbranjena doktorska disertacija	Odbranjen magistarski rad (magistar nauka)	OSTALI NAUČNI REZULTATI (Monografija, elaborat, studija, rad objavljen u zborniku radova itd.)
2012.	36	61	5	2	37
2013.	35	39	6	4	24
2014.	42	43	5	2	35
2015.	41	40	5	3	23
2016.	41	34	6	1	33
Sveukupno: 2012.-2016.	195	217	27	12	152

Iz pregleda je vidljivo da su svi podržani projekti postigli naučni rezultat u skladu sa kriterijima konkursa, dok su neki projekti rezultirali većim brojem objavljenih naučnih radova, te odbranjenim doktorskim disertacijama i magistarskim naučnim radnjama. Dodatni značaj za razvoj nauke u (F) BiH također ima i međuinstitucionalna domaća i međunarodna saradnja u realizaciji projekata, koja se ne evidentira kao naučni rezultat, ali se vrjednuje na odgovarajući način prilikom obrade i ocjene aplikacija. Kompletan pregled naučnih rezultata za 2017. i 2018. godinu još nije dostupan, jer je rok za realizaciju istraživačkog dijela projekata godinu dana od dana uplate sredstava (koja često kasni), poslije čega projektni tim ima dodatni rok od godinu dana da rad objavi u referentnom časopisu. Projekat se smatra u potpunosti opravdanim nakon usvajanja finansijskog izvještaja i izvještaja o postignutim naučnim rezultatima, u protivnom slijedi zahtjev za povrat sredstava u Budžet F BiH. Treba napomenuti da do sada tim povodom nije bilo značajnijih problema, odnosno povremeno se dešavalo samo to da neka institucija vrati manji dio neutrošenih ili nenamjenski utrošenih sredstava.